



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav 1. Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU POLITIČKE ORGANIZACIJE GRAĐANA „NEZAVISNA LISTA BIH“

Broj: 03-07-6-152/10  
Sarajevo, 14. decembar 2010. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole .....	5
Obim pregleda i kontrole.....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE.....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije građana "Nezavisna lista BiH" za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Stranka nije ispoštovala odredbe člana 11. stav (3) i stav (4) Zakona o finansiranju političkih stranaka jer finansijski izvještaj nije dostavila u zakonom propisanom roku i na način kako to propisuje Pravilnik o godišnjim finansijskim izvještajima političkih stranaka.**

**Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Političke organizacije građana "Nezavisna lista BiH" za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Politička organizacija građana "Nezavisna lista BiH" nije ostvarila niti je iskazala prihode, što se vidi iz sljedeće tabele:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	<b>Ukupni prihodi:</b>	<b>0,00</b>	<b>0,00%</b>

Prema podacima iz godišnjeg finansijskog izvještaja Politička organizacija građana "Nezavisna lista BiH" nije iskazala rashode.

## 2. PREDSTAVLJANJE POLITIČKE STRANKE

Naziv političke stranke: Politička organizacija građana "Nezavisna lista BiH".

Skraćeni naziv stranke je Nezavisna lista BiH.

Politička organizacija građana "Nezavisna lista BiH" je registrovana 18.01.2008. godine, kod Općinskog Suda u Sarajevu pod brojem 065-0-Reg-07-003052.

Sjedište političke stranke je u Sarajevu, Krka 52.

Lice ovlašteno za zastupanje stranke je Marijana Škorić, generalni sekretar.

Lice ovlašteno za podnošenje finansijskih izvještaja za 2009. godinu je Alma Kurtović.

U godišnjem finansijskom izvještaju Političke organizacije građana "Nezavisna lista BiH" za 2009. godinu, navedeno je da politička stranka nema organizacionih dijelova nižeg nivoa.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Političke organizacije građana "Nezavisna lista BiH" za 2009. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Politička organizacija građana "Nezavisna lista BiH" u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Političke organizacije građana "Nezavisna lista BiH" obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

### 4. PRETHODNE KONTROLE I REVIZIJE

Služba za reviziju je obavila pregled godišnjeg finansijskog izvještaja Političke organizacije građana "Nezavisna lista BiH" za 2008. godinu i izdala izvještaj o pregledu sa mišljenjem revizora i nalazima da je politička stranka postupala u skladu sa odredbama člana 11. stav (3) Zakona o finansiranju političkih stranaka, te da je finansijski izvještaj dostavila na obrascima propisanim Pravilnikom o godišnjim finansijskim izvještajima političkih stranaka.

### 5. NALAZI I PREPORUKE

#### 5.1. NALAZI

**a) Politička organizacija građana "Nezavisna lista BiH" je prekršila odredbe člana 11. stav (3) Zakona o finansiranju političkih stranaka.<sup>1</sup>**

- Kontrolom finansijskog izvještaja koji je stranka dostavila Centralnoj izbornoj komisiji BiH utvrđeno je da je stranka godišnji finansijski izvještaj dostavila nakon zakonom propisanog roka, odnosno 19.04.2010. godine.

**b) Politička organizacija građana "Nezavisna lista BiH" je prekršila odredbe člana 11. stav (4) Zakona o finansiranju političkih stranaka.<sup>2</sup>**

- Politička organizacija građana „Nezavisna lista BiH“ nije dostavila dodatnu finansijsku dokumentaciju. Centralna izborna komisija BiH je aktom broj: 03-07-6-152/10 od 26.05.2010. godine tražila od Političke organizacije građana „Nezavisne liste BiH“ da dostavi dodatnu finansijsku dokumentaciju vezanu za poslovanje stranke u 2009. godini. Obzirom da stranka nije odgovorila zahtjevu, Centralna izborna komisija BiH je uputila urgenciju, akt broj: 03-07-6-152/10 od 29.09.2010. godine, te ponovo tražila dostavljanje dodatne finansijske dokumentacije vezane za poslovanje stranke u 2009. godini.

<sup>1</sup> Do 31.03. naredne godine političke stranke podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

<sup>2</sup> Sva lica obavezna da podnesu izvještaj, moraju podnijeti i dodatne izvještaje koje Centralna izborna komisija BiH zatraži.

Politička organizacija građana „Nezavisna lista BiH“ nije postupila po zahtjevima, odnosno nije dostavila traženu dokumentaciju u zakonom propisanom roku, čime je prekršila odredbe člana 11. stav (4) Zakona o finansiranju političkih stranaka.

## 5.2. PREPORUKE

*Preporučuje se Političkoj organizaciji građana “Nezavisna lista BiH” da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:*

- ❖ *da postupa u skladu sa odredbama člana 11. stav (3) i stav (4) Zakona o finansiranju političkih stranaka, odnosno da finansijske izvještaje dostavlja u roku i na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.*

## KOMENTAR

U ostavljenom roku, Politička organizacija građana „Nezavisna lista BiH“ očitovala se aktom od 08.11.2010. godine na Preliminarni izvještaj o pregledu godišnjeg finansijskog izvještaja za 2009. godinu. Obzirom na to da nisu dostavljeni argumentovani relevantni dokazi koji bi uticali na nalaze i mišljenje dato u Preliminarnom izvještaju o pregledu godišnjeg finansijskog izvještaja za 2009. godinu, nalazi i mišljenje koji se odnose na odredbe člana 11. stav (3) i stav (4) Zakona o finansiranju političkih stranaka ostaju nepromijenjeni.

Mr.Hasida Gušić, šef Službe za reviziju

Nevenko Andan, revizor

Amela Batuša, pomoćnik revizora